


[www.BibleForChildren.org](http://www.BibleForChildren.org)

# Saraq Tể Dâu 1



Dâu lứq Yiang Sursĩ tễng  
paloống cớp cutễq tâng  
pư'n manlôc nâi.



Ma cutêq nâi tở cởt roâp riang ntrầu yũah, cớp tở va  
bữn ramứh ntrầu yũah tâng cutêq nâi.

Bữn ống dớq sâng. Ốc canám  
clũom nheq tâng cloong dớq.

Cớp Raviei Yiang Sursĩ  
ớt dớng dĩ ria pỡng dớq.



Yiang Sursĩ pai neq: "Cóq bũn poang!" Lúq cõt poang toâp. Chơ Yiang Sursĩ amứh poang la tangái, ma canám la sadâu. Ngkíq, bũn tabũ bũn tarưp, ki la tangái muoi Yiang Sursĩ tẽng.




Chơ Yiang Sursĩ pai ẽn: “Cóq cayoah dõq cõt bar pún.  
Muoi pún tâng cloong cutẽq, ma muoi pún ẽn tâng  
paloõng.” Yiang Sursĩ amúh ntõq mpúng dĩ la taroong.  
Yiang Sursĩ amúh taroong ki la paloõng. Ngkíq, bũn  
tabũ bũn tarup, ki la tangái bar Yiang Sursĩ tẽng.



Cóp Yiang Sursĩ pai ẽn: “Máh dõq õt pũn paloõng cóq parõm muoi ntõq, cóp yõn mpáh cloong cutẽq.” Ki lủq bũn ngkỉq. Cóp Yiang Sursĩ amủh ntõq khõ ki la cutẽq. Ntõq dõq parõm án amủh la dõq mưt. Cóp Yiang Sursĩ hũm ranáq ki la o lủq.



Cóp Yiang Sursĩ pai ẽn: "Cutẽq cóq amia nheq bát bai, dẽh bát ca bũn ọc chóch, dẽh aluang ca cõt palâi. Dáh cuplốq léq, cõt loah ramứh ki." Chơ ọc ki lứq bũn ngkíq. Ngkíq, bũn tabũ' bũn tarưp, ki la tangái pái Yiang Sursĩ tẽng.



Chơ Yiang Sursĩ tễng bar ramứh poang toâr  
lứq. Moat mandang toâr hỡn, chơ Yiang  
Sursĩ yỗn án sốt tâng tangái. Rliang  
casâi Yiang Sursĩ yỗn sốt  
tâng sadâu.




Cóp Yiang Sursĩ tẽng máh  
mantõr hõ. Ngkíq, bũn tabũ bũn  
tarup, ki la tangái põn  
Yiang Sursĩ tẽng.



Cóp Yiang Sursĩ pai ẽn: “Dõq cóq bũn tũn-ũn máh acán tamooŋ. Cóp tãng pũng cutẽq cóq bũn tũc ramũh chũm pãr.” Ngkĩq, bũn tabũ bũn tarũp, ki la tangái sũng Yiang Sursĩ tẽng.




Cóp Yiang Sursĩ pai ễn: “Tâng cutẽq cóq bữn túc ramứh charán, dểh charán dổng, dểh charán cruang, cóp nheq tữh charán ca pỡq talor tâng cutẽq.” Chơ, ranáq ki lứq bữn ngkíq.



Cóp Yiang Sursĩ pai ẽn: "Cóg hái tẽng cũai machóng riang hái tê. Chơ, yõn cũai ki sốt nheq máh sĩaq tâng dõq, chóm tâng paloõng, cóp nheq máh charán dõng. Cóp yõn cũai ki sốt dũ cruang tâng cõc cutẽq nãi cóp nheq tũh acán tamoong tâng cutẽq nãi." Cóp Yiang Sursĩ hũm nheq máh ranáq án tẽng la o lủq. Ngkíq, bũn tabũ' bũn tarủp, ki la tangái tapoát Yiang Sursĩ tẽng.



Chơ Yiang Sursĩ dững cũai samiang mut ốt tâng nường  
Ê-dên ki, yỗn án asa cốp kĩaq.



Ma Yiang Sursĩ patâp  
cũai ki neq: "Palâi tễ  
máh nỡm aluang tâng  
nưong nâi têq mới  
cha. Ma bữn muoi  
nỡm aluang ramứh  
'aluang ca yỗn dáng  
ốc o cớp ốc sâuq', ki  
mới chỗi cha. Khân  
tangái aléq mới cha  
palâi tễ nỡm ki, lứq  
samoât mới  
cóq cuchĩt."



Chơ samiang nâi amúh nheq tữh máh charán  
dống, charán cruang, cốp chóm pâr tâng paloống.  
Mỗ Adam, ki tữ yũah bữn noau ốt táq  
yóu cốp chuai án.



Ngkíq, Yiang Sursĩ táq yõn Adam bẽq langêl lúq. Tũ Adam bẽq, án ãt muoi ntreh nhang bran tẽ tũ Adam, cóp tẽng loah sãiq bãn ntõq án ãt nhang bran. Chơ Yiang Sursĩ tẽng nhang bran tẽ Adam cõt manoaq cũai mansẽm. Cóp Yiang Sursĩ dũng mansẽm ki atoãq yõn Adam.



Yuaq ngkíq, cūai samiang ẽ yoah tẽ mpiq  
mpoaq, chơ ốt parnơi cớp lacuoi án. Ngkíq  
alới bar náq lacuoi cayac cốt máh  
muoi noaq sâng.



Yiang Sursĩ bũn ổng muoi lám Con  
sâng. Cỗ án ayooq lứq nheq tũh cũai,  
ngkíq án yỗn Con án sễng ốt tâng  
cutễq nâi. Cũai aléq sa-âm Con án,  
raviei cũai ki tở nai cuchĩt pút,  
ma bũn tamoong mantái.



Rô-ma 3:23 Dũ náq cũai bữn lờih; ngkíq alóit tở bữn bữn roap ang-ữr tễ Yiang Sursĩ.

Rô-ma 6:23 Yuaq cóng tễ ỏc lờih la hái cuchĩt. Ma Yiang Sursĩ chuai miat yỏn hái bữn tamong mantái níc cồ nhợ Yê-su Crĩt, Ncháu hái.

Hê-bơ 9:27 Dũ náq cũai Yiang Sursĩ anoat muoi trỗ sâng cóq cuchĩt. Cóp vớt ki Yiang Sursĩ rablớh loah alóit.

Ê-phê-sô 2:8,9 Yiang Sursĩ chuai amoong anhia la án chuai miat sâng cồ anhia sa-âm án. Anhia tở bữn táq ntrớu, ma án chống ễ chuai sâng. Anhia tở têq táq ramứh ntrớu yỏn Yiang Sursĩ chuai amoong anhia, ngkíq anhia tở têq ỏt ntrớu.



Rô-ma 10:9,10 Khân bỗq anhia ngin Yê-su la Ncháu anhia, cóp mút anhia sa-âm samoât samơi Yiang Sursĩ khoiq yỗn Yê-su tamoong loah tễ cuchĩt, ki lứq Yiang Sursĩ chuai amoong anhia. Hái ốt tanoang o yáng moat Yiang Sursĩ, la cỗ nhơ mút pahỗm hái sa-âm án. Cóp Yiang Sursĩ chuai amoong hái, la cỗ nhơ bỗq hái ngin pai Yê-su Crĩt la Ncháu hái.

Yang 3:16,17 Yiang Sursĩ bữn ống muoi lám Con sâng. Cỗ án ayooq lứq nheq tữh cũai, ngkíq án yỗn Con án sễng ốt tâng cutễq nâi. Cũai aléq sa-âm Con án, raviei cũai ki tở nai cuchĩt pứt, ma bữn tamoong mantái. Yiang Sursĩ tở bữn ớn Con án sễng pở cutễq nâi dỗq sữq cũai, ma Yiang Sursĩ yoc ễ chuai amoong nheq tữh cũai cỗ nhơ tễ Con án.



1 Yang 5:11-13 Nâi la parnai Yiang Sursĩ yõn hái dáng  
samoât lúq: Yiang Sursĩ khoiq yõn hái bữn tamooong  
mantái, cớp án yõn hái bữn tamooong mantái cõ nhơ  
tễ Con án. Cũai aléq ốt muoi mút cớp Con Yiang Sursĩ,  
cũai ki bữn tamooong mantái. Ma cũai aléq tở bữn bữn muoi  
mút cớp Con Yiang Sursĩ, cũai ki ốq bữn tamooong mantái.  
Cứq khoiq chĩc máh santoiq nâi yõn anhia ca khoiq sa-âm  
Con Yiang Sursĩ, dốq anhia dáng, anhia  
bữn tamooong mantái.



# Saraq Tẽ Dâu 1-2

Storyline by: Edward D. Hughes

Illustrated by: Byron Unger, Lazarus  
and Alastair Paterson

Adapted by: Bob Davies; Tammy S.

Eastern Bru Bible (bru) Wycliffe Bible Translators, Inc. All  
rights reserved

<https://live.bible.is/bible/BRUNXB/MAT/1>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

